

Oahppoplána

Duodji ja ovdánahttin - čiekŋudeapmi

DUO-2002

30 oahppočuoggá



1. Oahpu namma

Sámegillii: Duodji ja ovdánahttin - čiekŋudeapmi
Dárogillii: Duodji og utvikling - fordypning
Eanjalasgillii: Sami Traditional and Applied Arts and Innovation - Specialization

2. Oppalaš dieđut oahpu birra

Oahpu koda: DUO-2002
Dássi: Bachelor, čiekŋudanoahppu
Viidodat: 30 oahppočuoggá
Galli lohkanbaji badjel: 1
Oahpu lágideapmi: Neahttadoarjjaoahpahus: Oahpus leat sihke fysalaš deaivvadeamit Sámi allaskuvllas ja neahttaoahpahus. Logaldallamiidda lea vejolaš oassálastit neahta bokte, muhto bargobájit gáibidit fysalaš searvama.
Fágalaš latnjalasvuohta: Oahppu vástida fágalaččat DUO 244 Duodji ja ovdánahttin (30 oč) oahpu, ja das lea 15 oč fágalaš latnjalasvuohta DUO-2001 Duodji ja ovdánahttin (15 oč), DUO 249 Duodji ja ovdánahttin (15 oč) ja DUOOV Duodji ja ovdánahttin (15 oč) oahpuiguin.

3. Oahpu gullevašvuohta

Oahppu lea čiekŋudanoahppu duoji ja hábmema bachelorprográmmas. Prográmmastudeanta sáhtta válljet čadahit juogo DUO-2001 Duodji ja ovdánahttin (15 oč) dahje DUO-2002 Duodji ja ovdánahttin čiekŋudeapmi (30 oč) oahpu oassin geatnegahtton čiekŋudanoahpuin. DUO-2002 oahppu lea earenoamážit jurddašuvvon sidjiide guhtet háliidit stuorit duodjebargguin bargat dán lohkanbajis.

Oahppu sáhtta leat maiddá doarjjafágan dahje válljenfágan eará bachelorprográmmaid dahje eará oahpuin.

4. Sisabeassangáibádusat

- Dábalaš sisabeassangáibádusat alitoahpahussii. Sisabeassanvuodđu sáhtta leat juogo oppalaš lohkelbbolašvuohta (čadahan joatkaskuvlla/logahaga/gymnása) dahje reálagelbbolašvuohta. Oppalaš lohkelbbolašvuođa gáibádusat olgoriikkaohcciide bohtet ovdan NOKUTa GSU-listtus. Go oahppu lágiduvvo sámegillii, de olgoriikkaohcciide ii gusto dárogielagáibádus, vrd. Forskrift om opptak til høgare utdanning § 2-2 (6).
- Sámeielmáhttu.
- Dasa lassin galgá studeanta čadahan dahje čadaheame unnimusat ovttá duoji ja hábmema bachelora fágaoahpuid dahje vástideaddji oahpuid.

Sámegiela gáibádusa sáhttá deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan 2, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje odđaaigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámegiela gáibádusa sáhttá maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida.

Dárbbu mielde ovddiduvvo gelbbolašvuoda meroštallan fágalaš árvoštallamii ja meannuduvvo dán vuodul. Sáhttá nai čadahuvvot ságastallan duodjegelbbolašvuoda árvoštallama doarjjan.

5. Oahpahas- ja eksámengiella

Váldo oahpahas- ja eksámengiella lea davvisámegiella. Jus oassi logaldallamiin lea eará sámegielaide, dáro- dahje ruotagillii, de dat dulkojuvvo dárbbu mielde. Jus logaldallamat leat eangalasgillii, dat eai dulkojuvvo. Eará sámegielat studeanttaide geahččalit láchčit dili nu ahte sii sáhttet čállit bargguid ja eksámena, ja oazžut oasi bagadallamis iežaset sámegillii.

6. Sisdoallu

Oahppu fállá praktihkalaš ja teorehtalaš dieđuid ja máhtuid, maiguin viiddidit ja ovdánahttit studeantta duodje- ja hábmenčehppodaga. Dan lassin studeantta máhttu ja ipmárdus duoji ja duddjoma holisttalašvuodas viidu, go son lahkona duoji sierra vugiiguin ja dieđuiguin.

Dán oahpus sáhttá studeanta válljet čieknudit stuorit duodjebargui/prošektii, mainna bargá olles lohkanbaji áigge.

7. Oahppanjoksoset

Oahpu čadaheami maŋnel lea studeanta olahan čuovvovaš oahppanjoksosiid:

Diehtu:

Studeanttas lea diehtu

- das mii lea suvdilisvuolta duoji oktavuodas
- duoji plánema, hábmemma ja duddjoma prinsihpain
- duoji ja duddjoma plánenvugiin
- metodain iežas duddjoma ovdánahttimii
- movt lea vejolaš háhkat duodjedieđu servodagas, birrasis ja servošis

Máhttu:

Studeanta máhtta

- čilget duddjoma bargovugiid ja duoji iešvuodaid

- geavahit heivvolaš bargovugiid ávnnasteamis, hábmemis ja duddjomis
- gulahallat duoji fágatearpmaguin
- geavahit iešguđet dieđuid ja gálduid duodjefágalaš čuolmmaid čoavddedettiin
- gulahallat iešguđet duodjeservošiiguin ja háhkat doppe dieđu
- ávkkástallat girjjálaš gálduid
- ávkkástallat formála birrasa, gos lea duodji, omd. museaid, arkiivvaid, čájáhusaid ja dáhpáhusaid ja oahppat dulkot duoji daid bokte
- guorahallat duddjoma ovdáneami
- ávkkástallat formála oahppanbirrasa: gávdnat molssaeavttuid ja čovdosiid ovtta mielstudeanttaiguin
- ovdanbuktit bargguid seminárain ja reflekteret sihke iežas ja mielstudeanttaid girjjálaš ja praktihkalaš duddjonproseassa

Oppalaš gelbbolašvuohta:

Studeanta

- máhtta plánet, válbmet ja gaskkustit barggu árbevieru, suvdilisvuođa ja meroštallon ulbmila vuodul

8. Oahpahan- ja oahppanvuogit

Duddjonvuđot bargobájit, seminárat, logaldallamat, lohkanmeari ja eará vejolaš lohkanmušaid lohkan, bagadallamat. Smávva oahppomátkkit. Čájáhusbargu, man ovdanbuktima, bargovuogi ja hámi sáhtta árvvoštallat joavkkus.

9. Gáibádušat beassat eksámenii

Ovdal beassá eksámenii, galgá studeanta:

- Oassálastit unnimusat 75 % lágiduvvon oahpahasas
- 2-3 smávit duodjebarggu dahje okta stuorit duodjebarggu/-prošeavtta oktagaslaš bargun dahje bárra-/joavkobargun. Barggu sisdoalu ja viidodaga árvvoštallat ovtta fágaoahpaheddjiiguin.

Gáibádušat galget árvvoštallojuvvon ja dohkkehuvvon mañemusat 2 vahku ovdal eksámena.

10. Eksámen

Eksámen lea guovtti oasis:

1. Duodji/duojit maiguin lea bargan oahpu áigge ja portfolio. Árvvoštallat fágaoahpaheaddjiiguin portfolio bargomeari ja ulbmila. Deaddu lea 80 % loahpalaš árvosánis.
2. Njálmmálaš eksámen. Deaddu lea 20 % loahpalaš árvosánis.

Eksámenat árvvoštallojuvvojit bustávvaárvosániiguin, mas A lea buoremus árvosátni ja E lea vuolemus ceavzinárvosátni. F árvosátni mearkkaša ahte ii leat ceavzán. Muđui čujuhuvvo Sámi allaskuvlla loahpalaš árvvoštallan- ja eksámena lánkaásahussii.

11. Leago privatisttain vejolaš váldit dan oahpu?

Ii leat

12. Kvalitehtasihkkarastin

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodat ja geatnegasvuodat studeanttain leat árvvoštallat Sámi allaskuvlla oahppofálaldagaid ja bálvalusaid kvalitehta. Studeanttain lea geatnegasvuolta searvat árvvoštallamiidda mat leat oassin kvalitehtasihkkarastinvuogádagas.